



Broj: 06-1-07-3-4805/22
Sarajevo, 08.12.2022. godine
(F.S.)

Na osnovu člana 2.9 stav (1) tačka 9, a u vezi sa članom 10.15 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 52/22 i 67/22), te člana 21. stav (3) tačka f) i člana 35. Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 75/22) Centralna izborna komisija Bosne i Hercegovine je na 93. sjednici, održanoj 08.12.2022. godine, donijela

ODLUKU

o utvrđivanju rezultata posrednih izbora i dodjeli mandata delegatima u Domu naroda Parlamenta Federacije Bosne i Hercegovine iz Srednjobosanskog kantona

(1) Centralna izborna komisija Bosne i Hercegovine utvrđuje rezultate posrednih izbora za Dom naroda Parlamenta Federacije Bosne i Hercegovine iz Srednjobosanskog kantona, kako slijedi:

a) Kandidatske liste iz reda bošnjačkog naroda:

1. Kandidatska lista Orlović Amir dobila je 6 glasova i osvojila je 1 mandat,
2. Kandidatska lista Orman Nedžad dobila je 6 glasova i osvojila je 1 mandat
3. Kandidatska lista SDP - Socijaldemokratska partija BiH dobila je 5 glasova i nije osvojila mandat.

b) Kandidatske liste iz reda hrvatskog naroda:

1. Kandidacijska lista HDZ 1990 - HSP HB i BiH dobila je 3 glasa i osvojila je 1 mandat
2. Kandidacijska lista Krišto Suzana dobila je 2 glasa i nije osvojila mandat
3. Kandidacijska lista Matković Željka dobila je 0 glasova i nije osvojila mandat
4. Kandidacijska lista Mrnjavac Boris dobila je 2 glasa i osvojila je 1 mandat
5. Kandidacijska lista Nakić Ilija dobila je 3 glasa i osvojila je 1 mandat
6. Kandidacijska lista Šimunović Ivo dobila je 2 glasa i osvojila je 1 mandat

c) Kandidatska lista iz reda srpskog naroda:

1. Kandidatska lista SDP - Socijaldemokratska partija BiH dobila je 1 glas i osvojila je 1 mandat

(2) Centralna izborna komisija Bosne i Hercegovine dodjeljuje mandate u Domu naroda Parlamenta Federacije Bosne i Hercegovine iz Srednjobosanskog kantona delegatima:

1. **AMIR ORLOVIĆ** - Bošnjak
2. **ELDIN DELIĆ** - Bošnjak
3. **ANTO BILIĆ** - Hrvat
4. **BORIS MRNJAVAC** - Hrvat
5. **ILIJA NAKIĆ** - Hrvat
6. **IVO ŠIMUNOVIĆ** - Hrvat
7. **LJUBINKA ATANASIJEVIĆ** - Srпкиnja

O b r a z l o ž e n j e

Skupština Srednjobosanskog kantona dostavila je Centralnoj izbornoj komisiji Bosne i Hercegovine, dana 02.12.2022. godine, akt od 01.12.2022. godine, te u prilogu akta cjelokupan izborni materijal u vezi sa provedenim posrednim izborima za Dom naroda Parlamenta Federacije Bosne i Hercegovine iz Srednjobosanskog kantona, koji čine: Obavijest, Zapisnik Komisije za izbor i imenovanja, glasački listići, popis zastupnika koji su pristupili glasanju.

Članom 10.10. Izbornog zakona BiH propisano je da kantonalna zakonodavna tijela biraju 80 delegata u Dom naroda Parlamenta Federacije BiH, 23 iz reda bošnjačkog, 23 iz reda srpskog, 23 iz reda hrvatskog naroda i 11 iz reda Ostalih.

Za Dom naroda Parlamenta Federacije BiH iz Srednjobosanskog kantona, u skladu s članom 21. stav (3) tačka f) Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine, bira se ukupno osam delegata, uključujući dva iz reda bošnjačkog, četiri iz reda hrvatskog, jednog iz reda srpskog naroda i jednog iz reda ostalih.

Odredbama člana 10.14 Izbornog zakona BiH propisano je da svaki zastupnik u kantonalnoj skupštini daje jedan glas za listu na kojoj je njegov odgovarajući klub.

U skladu sa članom 10.15 Izbornog zakona BiH, nakon provedenog tajnog glasanja, izborni materijal i rezultati glasanja dostavljaju se Centralnoj izbornoj komisiji BiH za konačnu raspodjelu mjesta. Mandati se raspodjeljuju jedan po jedan po listama ili kandidatu sa najvišim količnicima koji su rezultirali iz formule za proporcionalnu raspodjelu utvrđenu u članu 9.5 Izbornog zakona BiH. Kada lista dobije mandat, mandat se raspoređuje s vrha liste.

Uvidom u dostavljeni materijal o provedenim posrednim izborima za Dom naroda Parlamenta FBiH, utvrđeni su sljedeći rezultati:

d) Kandidatske liste iz reda bošnjačkog naroda:

4. Kandidatska lista Orlović Amir dobila je 6 glasova,
5. Kandidatska lista Orman Nedžad dobila je 6 glasova,
6. Kandidatska lista SDP - Socijaldemokratska partija BiH dobila je 5 glasova i nije osvojila mandat.

e) Kandidatske liste iz reda hrvatskog naroda:

7. Kandidacijska lista HDZ 1990 - HSP HB i BiH dobila je 3 glasa,
8. Kandidacijska lista Krišto Suzana dobila je 2 glasa,
9. Kandidacijska lista Matković Željka dobila je 0 glasova,
10. Kandidacijska lista Mrnjavac Boris dobila je 2 glasa,
11. Kandidacijska lista Nakić Ilija dobila je 3 glasa,
12. Kandidacijska lista Šimunović Ivo dobila je 2 glasa.

f) Kandidatska lista iz reda srpskog naroda:

2. Kandidatska lista SDP - Socijaldemokratska partija BiH dobila je 1 glas.

Za tri kandidatske liste iz reda hrvatskog naroda za dodjelu preostala dva (2) mandata iz reda hrvatskog naroda: kandidacijska lista Krišto Suzana, kandidacijska lista Mrnjavac Boris i kandidacijska lista Šimunović Ivo, utvrđeno je da imaju identičan količnik (2,00).

U skladu s članom 10.15, a u vezi s članom 9.5 i 9.8 stav (1) Izbornog zakona BiH i poglavljem II. Uputstva o dodjeli i prestanku mandata („Službeni glasnik BiH“ br. 27/22, 77/22 i 78/22), ukoliko kandidatske liste imaju identične količnike mandat se dodjeljuje putem žrijeba.

Centralna izborna komisija Bosne i Hercegovine je dana 07.12.2022. godine provela javno žrijebanje za dodjelu preostala dva (2) mandata iz reda hrvatskog naroda.

Nakon provedenog javnog žrijebanja, kandidatska lista Mrnjavac Boris dobila je treći, a kandidacijska lista Šimunović Ivo dobila je četvrti mandat iz reda hrvatskog naroda iz Srednjobosanskog kantona u Dom naroda Parlamenta Federacije BiH.

Imajući u vidu da su ispunjeni svi zakonski uslovi za utvrđivanje rezultata izbora za delegate u Dom naroda Parlamenta FBiH iz Srednjobosanskog kantona, Centralna izborna komisija Bosne i Hercegovine je, u skladu s članom 2.9 stav (1) tačka 9, a u vezi s članom 10.15 Izbornog zakona Bosne i Hercegovine, odlučila kao u dispozitivu ove odluke.

Pravna pouka: Protiv ove odluke, u skladu s članom 6.9 stav (1) i stav (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva (2) dana od dana prijema ove odluke, koju Centralna izborna komisija BiH dostavlja putem faks aparata.

Žalba se podnosi preko Centralne izborne komisije BiH i dostavlja se putem faks aparata na broj 033/251-329 ili neposredno u sjedište Centralne izborne komisije BiH, Ulica Danijela Ozme broj 7, Sarajevo.



Dostaviti:

1. Skupština Srednjobosanskog kantona,
2. a/a.